



Universitätsbibliothek Paderborn

**Croesvs Et Codrvs. hoc est, Copiæ Et Inopiæ Damna vel
Lvcra, à bono iustoq[ue] Mundi Gubernatore Deo
Distribvta**

Stengel, Georg

Ingolstadij, 1648

§. 3. Quotuplex sit paupertas, vel pauperes?

[urn:nbn:de:hbz:466:1-52359](#)

Immò maxima est paupertas, *habere nihil.*
 Cur enim ad paupertatē exigatur alicuius,
 licet parui possessio? aut cur possessio ad
 orationem possessionis? Parui possessio in-
 dicat, non facit paupertatem; quæ longè
 maior est, vbi nullius, ne teruncij quidem
 possessio reperitur; vti certè apud multos
 Sanctos fuit, qui ne acum quidem, aut filum
 suum esse dixerunt, omni omnino rerum
 proprietate à se abdicatā, vt non solūm.
 Connæ tibicini comparari possent, qui ni-
 hil habuit, præter oleastrum; verūm etiam,
 vt ne puluisculum quidem possiderent. Etsi
 enim cibo, potuque & victu alijsque rebus
 indigerent, tamen numquam se earum do-
 minos vocârunt. Potest enim usus rerum à
 dominio discriminari. Maneat ergo, pau-
 pertatem in eo consistere, quòd quis careat
 ijs rebus, quas aptus est habere; & quòd plu-
 ribus caret, eò esse pauperiorem.

§. III.

Quotuplex sit paupertas, vel pauperes?

Quòd autem unus multum, aliis parum,
 tertius omnino nihil possideat, aliquando
 quidem à solo rerum omnium Domino ac
 Deo, aliquando etiam ab homine, aliquan-
 do à dæmone quoque, aut aliunde est. Si à

22 Cap. II. *Quid, & quotuplex*

solo Deo est, vel beneficij, vel supplicij loco debet haberi. Si ab homine quoque est; vel ex virtute, vel ex scelere, aut certè sordiâ, vel imprudentiâ parum, aut nihil possidetur. Si denique dæmon, aut siccitas, aut inundantia aquarum, aut incendium, aut hostis est caussa nostræ egestatis, aut alia quæpiam res naturalis, ne id quidem accidit sine nutu Dei, aut sine iustâ causâ, sed ad virtutem nostram vel excitandâ, vel probandam, vel exercendam, ut lobo euénit, cuius sanctissimi viri armenta bov & asinarum latrones Arabes abegerunt; greges cælestis ignis, cum ipsis pastoribus suis deuorauit; camelos Chaldæi ceperunt, Orco omnia procurante, sed non priùs, quā illi à Numine frænum esset laxatum. Rectè porrò paupertatē, ratione illorum, qui eam seruant, in duplicem classem distribuit Horatius:

Horat.
I. 3. ep. 2.

*Sunt, qui non habeant, est qui non curat
habere:*

Hugo de clauſt. animæ dib. I, c. 9. *sed rectius eam classem triplicem esse docuit Hugo, cùm dixit: Paupertatis tres sunt species. Sunt enim quidam, qui rebus temporali bus egent, sed inuiti: & hac vocari egestas solet; egent enim rebus, & egent bona voluntate, qua ditius*

ditius nihil esse potest. Sunt alij qui rebus abundant, sunt tamen pauperes spiritu; & hæc est aurea paupertas, quia licet affluant diuitiae, corda tamen nolunt apponere. Tertia est mediocritas, quam Philosophi vocant frugalitatem, quæ est voluntaria. Itaque tres sunt classes pauperum. Quidam carent opibus, sed contra suam voluntatem: hinc dolent, fallunt, peierant, furantur, latrocinantur, & mille technas inueniunt, ut paupertatem excutiant, diuitias adipiscantur. Alij rebus affluunt, sed mente illis non affiguntur: hi Deo se permittunt, & diuinæ prouidentiæ regimen semper putant esse bonum, quidquid agat. In quocumque casu dicunt: *Nonne Psal. 61. 1.*
Deo subiecta erit anima mea? ab ipso enim salutare meum. Nam & ipse Deus meus, & salutaris meus, susceptor meus, non mouebor amplius. Quare perinde illis est, siue apponatur illis aliquid, siue auferatur. Tertij ita philosophantur, ut videant etiam in paupertate maiorem virtutum, in diuitijs frequentiorem scelerum occasionem esse: quare, relictis opibus, & calcato auro, paupertatem sponte amplectuntur.

§. IV.

Prima classis inuite paupertatem ferentium.

B 4

In